

দৈনিক আমাদের সময়

সমাবর্তন অনুষ্ঠানে শিক্ষামন্ত্রী
আইন না মানলে
বিশ্ববিদ্যালয়ের
বিরুদ্ধে ব্যবস্থা



নিজস্ব প্রতিবেদক •
প্রাইম ইউনিভার্সিটির দ্বিতীয় সমাবর্তন
গতকাল রাজধানীর বঙ্গবন্ধু
আন্তর্জাতিক সম্মেলন কেন্দ্রে অনুষ্ঠিত
হয়েছে। সমাবর্তনে সভাপতিত্ব করেন
শিক্ষামন্ত্রী নুরুল ইসলাম নাহিদ।
সমাবর্তন বক্তা ছিলেন বিশিষ্ট
শিক্ষাবিদ ও ঢাকা বিশ্ববিদ্যালয়ের
ইমেরিটাস অধ্যাপক আনিসুজ্জামান। এ
ছাড়া প্রাইভেট বিশ্ববিদ্যালয়
অ্যাসোসিয়েশনের সভাপতি শেখ
কবির হোসেন, প্রাইম ইউনিভার্সিটি
ট্রাস্টি বোর্ডের চেয়ারম্যান প্রকৌশলী
তৌহিদুর রহমান, সিনিয়র ভাইস
চেয়ারম্যান আশ্রাফ আলী, উপাচার্য
অধ্যাপক আবদুস সোবহান, উপ-
উপাচার্য অধ্যাপক ড. আবুল হোসেন
সিকদার বক্তব্য দেন। বেশ কিছু
বিশ্ববিদ্যালয় এরপর পৃষ্ঠা ৯ কলাম ৮

প্রাইম ইউনিভার্সিটির দ্বিতীয় সমাবর্তনে গতকাল রাজধানীর বঙ্গবন্ধু আন্তর্জাতিক সম্মেলন কেন্দ্রে শিক্ষার্থীদের মাঝে সনদপত্র
বিতরণ করেন শিক্ষামন্ত্রী নুরুল ইসলাম নাহিদ

• আমাদের সময়

আইন না মানলে

(৩ এর পৃষ্ঠার পর) আইন মেনে শিক্ষা
কার্যক্রম পরিচালনা করছে, এমন তথ্য
জানিয়ে সমাবর্তন অনুষ্ঠানে শিক্ষামন্ত্রী
বলেন, যেসব বিশ্ববিদ্যালয় আইন মানছে
না, তাদের বিরুদ্ধে ব্যবস্থা নেওয়া হবে।
সমাবর্তন বক্তায় অধ্যাপক
আনিসুজ্জামান বলেন, সার্টিফিকেট
অর্জনের মাধ্যমেই যোগ্যতা অর্জন হয়
না। এ জন্য প্রয়োজন জ্ঞানের নিরবচ্ছিন্ন
চর্চা। মাতৃভাষা পাশাপাশি তিনি ইংরেজি
ভাষায় দক্ষতা অর্জনের ওপর
গুরুত্বারোপ করেন। অনুষ্ঠানে আড়াই
হাজার শিক্ষার্থীকে সনদপত্র দেওয়া হয়।
এ ছাড়া ১৬ শিক্ষার্থী স্বর্ণপদক লাভ
করেন।